

四庫全書

集部

欽定四庫全書

集部

石倉歷代詩選卷七十六至八

詳校官庶吉士臣范逢恩

侍讀臣孫球覆勘

總校官進士臣朱 鈐

校對官中書臣王慶長

謄錄監生臣楊方柝

欽定四庫全書

石倉歷代詩選卷七十六

明 曹學佺 編

晚唐三

許渾

字仲晦
丹陽人

秋日赴闕題潼關驛樓

紅葉晚蕭蕭
長亭酒一瓢
殘雲歸太華
疎雨過中條
樹色隨山迴
河聲入海遙
帝鄉明日到
猶自夢漁樵

王居士

筇杖倚柴關，都城賣卜還。
雨中耕白水，雲外斲青山。
有藥身長健，無機性自閒。
即應生羽翼，華表在人間。

友人自荆襄歸江東

新喪
其偶

商洛轉江濱，一杯聊送君。
劒愁龍失伴，琴怨鶴離羣。
楚驛枕秋水，湘帆凌暮雲。
猿聲斷腸處，應向雨中聞。

送同年崔先輩

西風帆勢輕，南浦徧離情。
菊艷含秋水，荷花遞雨聲。
扣

舳灘鳥沒移棹草蟲鳴更憶前年別槐陰滿鳳城

酬報先上人登樓見寄

丹葉下西樓知君萬里愁鐘非黔峽寺帆是敬亭舟
山色和雲暮湖光共月秋天台多道侶何惜更南遊

泛舟尋鬱林寺道玄上人遇雨而返因寄

禪扉倚石梯雲濕雨淒淒草色分松逕泉聲咽稻畦
棹移灘鳥沒鐘斷嶺猿啼入夜花如雪迴舟憶剡溪

憶長洲

香徑小船通菱歌遠故宮魚沈秋水靜烏宿暮山空荷
葉橋邊雨蘆花海上風歸心無處託高枕畫屏中

春醉

酒釀花一樹何假卓文君客坐長先飲公閑半已醺水
鄉春雨足山郭夜多雲何以參禪理榮枯盡不聞

與裴秀才自越西歸阻凍登丘山寺

春草越吳關心期旦夕還酒鄉逢客病詩境遇僧閒倚
棹冰生浦登樓雪滿山東風不可待歸鬢坐斑斑

示弟

自爾出門去淚痕長滿衣家貧為客早路遠得書稀
文字何人重煙波幾日歸秋風正搖落孤雁又南飛

懷江南同志

南國別經年雲晴波接天蒲深鷓鴣戲花暖鷓鴣眠
竹暗湘妃廟楓陰楚客船惟應洞庭月萬里共娟娟

洛中秋日

故國無歸處官閒憶遠遊吳僧秣陵寺楚客洞庭舟
久

病先知雨長貧早覺秋壯心能幾許伊水更東流

將歸塗口宿鬱林寺道玄上人院

春尋采芝翁歸路宿禪宮雲起客眠處月殘僧定中藤
花深洞水榭葉滿山風清境不能住朝朝漸遠公

思德寺

樓臺橫復重猶有半巖空蘿洞淺深水竹廊高下風晴
山疎雨後秋樹斷雲中未盡平生意孤帆又向東

送客歸湘楚

無辭一杯酒昔日與君深秋色
換歸鬢曙光生別心桂
花山廟冷楓樹水樓陰
此路千餘里應勞楚客吟

崇聖院別楊至之

蕭寺暫時逢離憂滿病容
寒齋秋少燕陰壁夜多蛩樹
暗水千里山深雲萬重
懷君在書信莫過雁迴峰

送僧歸金山寺

老歸江上寺不忘舊師恩
駐錫逢山色停杯見浪痕
秋濤吞楚驛曉月上荆門
為訪題詩處莓苔幾字存

送僧歸敬亭山寺

十年劔中路傳盡本師經
曉月下黔峽秋風歸故亭
開門新樹綠登閣舊山青
遙想論禪處松陰水一瓶

送客歸吳興

綠水棹雲月洞庭歸路長
春橋懸酒幔夜柵集茶檣
箬葉沈溪暖蘋花遶郭香
應逢柳太守為說過瀟湘

秋霽潼關驛亭

霽色明高巘關河獨望遙
殘雲歸太華疎雨過中條
烏

散絲蘿靜蟬鳴紅樹凋何言此時節去去任蓬飄

送客歸蘭溪

花下送歸客路長應過秋暮隨江鳥宿寒共嶺猿愁衆
水喧巖瀨羣峰抱沈樓因君幾南望曾向北中遊

送友人歸荆楚

調瑟勸離酒苦諳荆楚門竹斑悲帝女草綠怨王孫潮
落九疑迴雨連三峽昏同來不同去迢遞更傷魂

鬱林寺

臺殿冠嵯峨
春來日日過
水分諸院少
雲近上方多
衆
瀨凝絲竹
繁英耀綺羅
酒酣詩自逸
乘月棹寒波

早秋

遙夜泛清瑟
西風被翠蘿
殘螢生玉露
早雁拂金河
高
樹曉還密
遠山晴更多
淮南一葉下
自覺老煙波

寄天鄉寺仲儀上富春孫處士

詩僧與釣翁
千里兩情通
雲帶雁門雪
水連漁浦風
心
期榮辱外名
挂是非中
歲晚亦歸去
田園清洛東

寓懷

南國浣紗伴盈盈天下姝盤金明繡帶動珮響羅襦素
手怨瑤瑟清心悲玉壺春華坐銷落未忍泣靡蕪

長安旅夜

久客怨長夜西風吹雁聲雲移河漢淺月泛露華清掩
瑟獨凝思緩歌空寄情門前有歸路迢遞洛陽城

發靈溪館

山多水不窮一葉似漁翁鳥浴寒潭雨猿吟暮嶺風雜

英垂錦繡衆籟合絲桐應有曹溪路千巖萬壑中

行次潼關驛後軒

飛閣極層臺終南北路回山形朝闕去河勢抱關來雁
過秋風急蟬鳴宿霧開平生無限意驅馬任塵埃

遊維山新興寺宿石屏村謝叟家

晚過石屏路村長日漸曛僧歸下嶺見人語隔溪聞谷
響寒耕雪山明夜燒雲家家扣銅鼓欲賽魯將軍

晚泊七里灘

天晚日沈沈歸舟繫柳陰江村平見寺山郭遠聞砧樹
密猿聲響波澄雁影深榮華暫時事誰識子陵心

題韋隱居西齋

斲藥去還歸家人半掩扉山風藤子落溪雨豆花肥寺
遠僧來少橋危客過稀不聞砧杵動應解製荷衣

送無夢道人先歸甘露寺

飄飄隨晚浪杯影入鷗羣岸凍千船雪巖陰一寺雲夜
燈江北見寒磬水西聞鶴嶺煙霞在歸期不羨君

溪亭二首

溪亭四面山橫柳半溪
灣蟬響螳螂急魚深翡翠閒
水寒留客醉月上與僧還
猶戀蕭蕭竹西齋未掩關
暖枕眠溪柳僧齋昨夜期
茶香秋夢後松韻晚吟時
共戲魚翻藻爭栖鳥墜枝
重陽應一醉栽菊助東籬

吳門送客早發

吳歌咽深思楚客怨歸程
寺曉樓臺迴江秋管吹清早
潮低水檻殘月下山城
惆悵回舟日湘南春草生

泊松江渡

漠漠故宮地月涼風露幽
雞鳴荒戍曉雁過古城秋
楊柳北歸路蒹葭南渡舟
去鄉今已遠更上望京樓

下第寓居崇聖寺感事

懷玉泣京華舊山歸路賒
靜依禪客院幽學野人家
林晚鳥爭樹園春蝶護花
東門有閒地誰種邵平瓜

題岫上人院

病客與僧閒頻來不掩關
高窓雲外樹疎磬雨中山
離

索秋蟲響登臨夕鳥還心知落帆處明月淞河灣

送段覺歸東陽兼寄竇使君

山水引歸路陸郎從此諳秋茶垂露細晚菊帶霜酣臺

倚烏龍嶺樓侵白鳥潭沈公如借問心在浙河南

注云龍嶺

雁潭俱在嚴州沈約曾守婺以此竇君

金陵懷古

玉樹歌殘王氣終景陽兵合戍樓空松楸遠近千官塚
禾黍高低六代宮石燕拂雲晴亦雨江豚吹浪夜還風

英雄一去豪華盡惟有青山似洛中

凌歊臺

宋祖凌歊樂未回三千歌舞宿層臺
湘潭雲盡暮山出巴蜀雪消春水來
行殿有基荒薺合寢園無主野棠開
百年便作萬年計崑畔古碑生綠苔

咸陽城東樓

一上高城萬里愁蒹葭楊柳似汀洲
溪雲初起日沈閣山雨欲來風滿樓
烏下綠蕪秦苑夕蟬鳴黃葉漢宮秋

行人莫問當年事故國東來渭水流

送蕭處士歸緱嶺別業

醉斜烏帽髮如絲曾看仙人一局棋
賓館有魚為客久鄉書無雁到家遲
緱山住近吹笙廟湘水行逢鼓瑟祠
今夜月明何處宿九疑雲盡綠參差

登故洛陽城

禾黍離離半野蒿昔人城此豈知勞
水聲東去市朝變山勢北來宮殿高
鴉噪暮雲歸古堞雁迷寒雨下空濠

可憐緱嶺登仙子，猶自吹笙醉碧桃。

寓居開元精舍酬薛秀才見貽

知己蕭條信陸沈，茂陵扶疾卧西林。
芰荷風起客堂靜，松桂月高僧院沈。
清露下時傷旅鬢，白雲歸處寄鄉心。
勞君詩思猶相憶，題在空齋夜夜吟。

夜歸驛樓

水晚雲秋山不窮，自疑身在畫屏中。
孤舟移棹一江月，高閣捲簾千樹風。
窓下覆棋殘局在，橋邊沽酒半壺空。

早炊香稻待鱸膾南渚未明尋釣翁

南庭夜坐貽開元禪定二道者

暮暮焚香何處宿西巖一室映疎藤光陰難駐迹如客
寒暑不驚心是僧高樹有風聞夜磬遠山無月見秋燈
身閒境靜日為樂若問其餘非我能

南海府罷南康阻淺行侶稍稍登陸主人燕饒
至頻暮宿東溪

晴灘水落漲虛沙灘去秦吳萬里賒馬上折殘江北柳

舟中閉盡嶺南花
離歌不斷如留客
歸夢初驚似到家
山鳥一聲人未起
半牀春月在天涯

懷舊居

兵書一篋老無功
故園郊扉在夢中
藤蔓覆梨張谷暗
草花侵菊庾園空
朱門迹忝登龍客
白屋心期失馬翁
楚水吳山何處是
北窓殘月照屏風

祇命許昌自郊居
移入公館秋日寄茅山高拾遺
一笛迎風萬葉飛
強攜刀筆換荷衣
潮寒水國秋砧早

月暗山城夜漏稀
巖響遠聞樵客過
浦深遙送釣童歸
中年未識從軍樂
虛近三茅望少微

晚自朝臺至韋隱居郊園

秋來鳧雁下方塘
繫馬朝臺步夕陽
村逕繞山松葉暗
柴門流水稻花香
雲連海氣琴書潤
風帶潮聲枕簟涼
西下磻溪猶萬里
可能垂白待文王

別劉秀才

三獻無功玉有瑕
更攜書劍客天涯
孤帆夜別瀟湘雨

廣陌春期鄴社花燈照水螢千點滅棹驚灘雁一行斜
關河萬里秋風急望見鄉山不到家

早發天台中巖寺度關嶺次天姥岑

來往天台天姥間欲求真訣駐衰顏星河半落巖前寺
雲霧初開嶺上關丹壑樹多風皓皓碧溪苔淺水潺潺
可知劉阮逢人處行盡深山又是山

送郭秀才遊天台

雲埋陰壑雪凝峰半壁天台已萬里人度碧溪疑輟棹

僧歸蒼嶺似聞鐘
暖眠鷓鴣晴灘草
高挂獼猴暮澗松
曾約共遊今獨去
赤城西面水溶溶

送張尊師歸洞庭

能琴道士洞庭西
風滿歸帆路不迷
對岸水花霜後淺
傍簷山果雨來低
杉松近晚移茶竈
巖谷初寒蓋藥畦
他日相思兩行字
無人知處武陵溪

再遊姑蘇玉芝觀

高梧一葉下秋初
迢遞重廊舊寄居
月過碧窓今夜酒

雨昏紅壁去年書
玉池露冷芙蓉淺
瓊樹風高薜荔疎
明日挂帆更東去
仙翁應笑為鱸魚

題靈山寺行堅師院

西巖一逕不通樵
八十持杯未覺遙
龍在石潭聞夜雨
雁移沙渚見秋潮
經函露濕文多暗
香印風吹字半銷
應笑東歸又南去
越山無路水迢迢

贈李伊闕

桐履如飛不可尋
一壺雙笈嶧陽琴
舟橫野渡寒風急

門掩荒山夜雪深
貧笑白駒無去意
病慚黃鵠有歸心
雲間二室勞君盡
水墨蒼蒼半壁陰

乘月棹舟送大厯寺靈聰上人不及

萬峰秋盡百泉清
舊鎖禪扉在赤城
楓浦客來煙未散
竹窻僧去月猶明
杯浮野渡魚龍遠
錫響空山虎豹驚
一字不留何足訝
白雲無路水無情

村舍二首

自剪青莎織雨衣
南峰煙火是柴扉
萊妻早報蒸藜熟

童子遙迎種豆歸魚下碧潭當鏡躍鳥還青嶂拂屏飛
花時未免人來往欲買嚴光舊釣磯

尚平多累自歸難一日閒居一日安山逕有雲收獵網
水門無月挂魚竿花間酒氣春風遠竹裏棋聲夜雨寒
三頃水田秋更熟北窓誰拂舊塵冠

遊江令舊宅

身沒南朝宅已荒邑人猶賞舊風光芹根生葉石池淺
桐樹落花金井香帶暖山蜂巢畫閣欲陰溪燕集書堂

閒愁此地更西望潮浸臺城春草長

淮陰阻風寄楚州韋中丞

垂釣京江欲白頭江魚堪釣却西遊劉伶臺下稻花晚
韓信廟前楓葉秋淮月未明先倚檻海雲初起更維舟
河橋有酒無人醉獨上高城望庾樓

鄭秀才東歸憑達家書

欲寄家書少客過閉門心遠洞庭波兩巖花落夜風急
一選草荒春雨多愁泛楚江吟浩渺憶歸吳岫夢嵯峨

貧居不問應知處
溪上閒船繫綠蘿

鶴林寺中秋夜翫月

待月東林月正圓
廣庭無樹草無煙
中秋雲盡出滄海
半夜露寒當碧天
輪彩暫移金殿外
鏡光猶挂玉樓前
莫辭達曙殷勤望
一墮西崖又隔年

送前東陽于明府由鄂渚歸故林

結束兵車換黑貂
灞西風雨正瀟瀟
茂陵久病書千卷
彭澤初歸酒一瓢
帆背夕陽湓水闊
棹經滄海甌山遙

殷勤為謝南溪客
白首螢窓未見招

戲代李協律松江有贈

楚客操琴吳女歌
明珠十斛是天河
霜凝薜荔怯秋樹
露滴芙蓉愁晚波
蘭浦遠鄉應解佩
柳堤殘月未鳴珂
西樓沈醉不知散
潮落洞庭洲渚多

朝臺送客有懷

趙佗西拜已登壇
馬援南征土宇寬
越國舊無唐印綬
蠻鄉今有漢衣冠
江雲帶日秋偏熱
海雨隨風夏亦寒

嶺北歸人莫回首
蓼花楓葉萬重灘

韶州韶陽樓夜讌

待月西樓捲翠羅
玉杯瑤瑟近星河
簾前碧樹窮秋密
窗外青山薄暮多
鸚鵡未知狂客醉
鷓鴣先讓美人歌
使君莫惜通宵飲
刀筆初從馬伏波

別張秀才

不知何計寫離憂
萬里山川半舊遊
風捲暮沙和雪起
日融春水帶冰流
凌晨客淚分東郭
竟夕鄉心共北樓

青桂一枝少年事莫因鱸膾涉窮秋

別表兄軍倅

盧橘花香拂釣磯佳人猶舞越羅衣
三洲水淺魚來少五嶺山高雁到稀
客路晚依紅樹宿鄉關朝望白雲歸
交親不念征南吏昨夜風帆去似飛

南陽道中

月斜孤館傍村行野店高低帶古城
籬上曉花齋後落井邊秋葉社前生
飢烏索哺隨雛叫乳犉慵歸望犢鳴

荒草連天風動地不知誰學武侯耕

韶州驛樓宴罷

簷外千帆背夕陽歸心杳杳鬢蒼蒼嶺猿羣宿夜山靜
沙鳥獨飛秋水涼露墮桂花碁局濕風吹荷葉酒瓶香
主人不醉下樓去月在南軒更漏長

潁州從事西湖亭讌餞

西湖清讌不知回一曲離歌酒一杯城帶夕陽聞鼓角
寺臨秋水見樓臺蘭堂客散蟬猶噪桂楫人稀鳥自來

獨想征車過鞏洛
比中霜菊繞潭開

卧病

寒窓燈盡月斜暉
珮馬朝天獨掩扉
清露已凋秦塞柳
白雲空長越山薇
病中送客難為別
夢裏還家不當歸
惟有舊書書未得
卧聞燕雁向南飛

凌歊臺送韋秀才

雲起高臺日未沈
數村殘照半巖陰
野蠶成繭桑柘盡
溪鳥引雛蒲稗深
帆勢依依投極浦
鐘聲杳杳隔前林

故山迢遞故人去一夜月明千里心

酬邢杜二員外并序

新安邢員外懷洛下舊居新定杜員外思關中故

里各蒙緘示因寄一詩以酬

雪帶東風洗畫屏客星懸處聚文星未歸庾嶺暮雲碧
久別杜陵春草青熊軾並驅因雀噪隼旗齊駐是鴻冥
豈知京洛舊親友夢繞潺湲浚江上亭

聽歌鷓鴣辭

并序

余過陝州夜讌將罷妓人善歌鷓鴣者詞調清怨往
往在耳因題是詩

南國多情多艷詞鷓鴣清怨繞梁飛甘棠城上客先醉
苦竹嶺頭人未歸響轉碧霄雲駐影曲終清漏月沈暉
山行水宿不知遠猶夢玉釵金縷衣

自楞伽寺晨起泛舟道中有懷

碧樹蒼蒼茂苑東佳期迢遞路何窮一聲山鳥曙雲外
萬點水螢秋草中門掩竹齋微有月棹移蘭渚澹無風

欲知此路堪惆悵
菱葉蓼花連故宮

淚

永巷長年怨綺羅
離情終日思風波
湘江竹上痕無限
峴首碑前灑幾多人
去紫臺秋入塞
兵殘楚悵夜聞歌
朝來灞水橋邊問
未抵青袍送玉珂

宿望亭館寄蘇州一二同志

候館人稀夜自長
姑蘇城遠樹蒼蒼
江湖水落高樓迥
河漢秋歸廣簟涼
月轉碧梧移鵲影
露滴紅葉濕螢光

西園詩侶應多思莫醉笙歌掩畫堂

歲暮自廣江至新興往復中因題峽山寺

夜醉晨方醒孤吟恐失羣海鰭潮上見江鵠霧中聞
未臘梅先實經冬草自薰樹隨山崦合泉到石稜分
虎跡空林雨猿聲絕嶺雲蕭蕭異鄉鬚明日共絲棼

其二

薄暮緣西峽停橈一訪僧鷺巢橫卧柳猿飲倒垂藤
水曲巖千疊雲重樹百層山風寒殿磬溪雨夜船燈
灘漲

危榭沒泉衝怪石崩中臺一襟淚歲杪別良朋

其三

密樹分蒼壁長溪抱碧岑海風聞鶴遠潭日見魚深松
蓋環清韻榕根架綠陰洞丁多斷石蠻女半淘金南浦
驚春至西樓送月沈江流不過嶺何處寄歸心

送林處士自閩中道越由霅抵兩川

書劔少青眼煙波初白頭鄉闕背黎嶺客路轉蘋洲處
困道難固乘時恩易酬鏡中非訪戴劔外欲依劉高枕

海天暝落帆江雨收鼙聲應遠鼓蜃氣學危樓智士役
千慮達人輕百憂惟聞陶靖節多在醉鄉遊

長安早春

雲月有歸處故山清洛南秦城一花發春夢徧江潭

塞下

夜戰桑乾北秦兵半不歸朝來有鄉信猶自寄征衣

思天台

赤城雲雪深山客負歸心昨夜西齋宿月明琪樹陰

聞歌

新秋絃管清時轉
過雲聲曲盡不知處
月高風滿城

雨後懷湖山居

前山風雨涼
歇馬坐垂楊
何處芙蓉落
南渠秋水香

緱山廟

王子求仙月滿臺
玉笙清轉鶴徘徊
曲終飛去不知處

山下碧桃春自開

送宋處士

賣藥修琴歸去遲
山風吹落桂花時
世間甲子須臾過
逢著仙人莫看棋

秋日

琪樹西風華簟秋
楚雲湘月憶同遊
高歌一曲掩明鏡
昨日少年今白頭

寄桐江隱者

潮去潮來洲渚春
山花如繡草如茵
嚴陵臺下桐江水
解釣鱸魚能幾人

聽歌鷓鴣

金谷歌傳第一流，鷓鴣清怨碧雲愁。
夜來省得曾聞處，萬里月明湘水流。

酬康州韋侍御同年

桂楫美人歌木蘭，西風嫋嫋露溥溥。
夜長曲盡意不盡，月在瀟湘洲渚寒。

途經秦始皇墓

龍盤虎踞樹層層，勢入浮雲

闕

一種青山秋草裏

路人惟拜漢文陵

夜泊永樂有懷

蓮渚愁紅蕩碧波吳娃齊唱采蓮歌
橫塘一別千餘里
蘆葦蕭蕭風雨多

鴻溝

相持未定各為君
秦政山河此地分
力盡烏江千載後
古溝荒草起寒雲

旌儒廟

寒谷陰風萬古悲
儒冠相枕死秦時
廟前亦有商山路
不學老翁歌紫芝

鷺鷥

西風淡淡水悠悠
雪照絲飄帶雨愁
何事歸心倚前閣
綠蒲紅蓼練塘秋

石倉歷代詩選卷七十六

欽定四庫全書

石倉歷代詩選卷七十七

明 曹學佺 編

晚唐四

溫庭筠

字飛卿
井州人

嘲春風

春風何處好別殿饒芳草
萋嫋傳鸞旗萎蕤吹雉葆
揚芳歷九門澹蕩入蘭蓀
爭奈白團扇時時偷主恩

湘宮人歌

池塘芳意濕夜半東風起生綠畫羅屏金壺貯春水黃
粉楚宮人芳花玉刻身娟娟照棋燭不語兩含頰

江南曲

妾家白蘋浦日上芙蓉檝軋軋搖漿聲移舟入芰葉溪
長菱葉深作底難相尋避郎郎不見灘鴻自浮沈拾萍
萍無根採蓮蓮有子不作浮萍生寧為藕花死岸傍騎
馬郎烏帽紫遊韉含怨復含笑迴首問橫塘妾在金陵

浦門前朱雀航流蘇持作帳芙蓉持作梁出入金犢憶
兄弟侍中郎前年學歌舞定得郎相許連娟眉繞山依
約腰如杵鳳管悲若咽鸞紗嬌欲語扇薄露紅鉛羅輕
壓金縷明月西南樓珠簾玳瑁鉤橫波巧能笑鸞蛾不
識愁花開子留樹草長根依土早聞金溝遠底事歸郎
許不學楊花白朝朝淚如雨

長安寺

仁祠寫露宮長安佳氣濃煙樹含葱蒨金刹映茸茸繡

戶香焚象珠網玉盤龍寶題新翡翠天井列芙蓉幡長
迴遠吹窓虛含曉風遊騎迷青鎖飛鳥思華鐘雲拱承
跼灑羽葆背花重所嘆連社客輕蕩不相從

邊笳曲

朔管迎秋動雕音雁來早上郡隱黃雲天山吹白草嘶
馬悲寒磧朝陽照霜堡江南戍客心門外芙蓉老

芙蓉

刺莖澹蕩碧花片參差紅吳歌秋水冷湘廟夜雲空濃

艷香露裏美人清鏡中南樓未歸客一夕練塘東

雞鳴埭曲

南朝天子射雉時銀河耿耿星參差銅壺漏斷夢初覺
寶馬鹿高人未知魚躍蓮東蕩宮沼濛濛御柳懸棲鳥
紅妝萬戶鏡中春碧樹一聲天下曉盤踞勢窮三百年
朱方殺氣成愁煙彗星拂地浪連海戰鼓渡江塵漲天
繡龍畫雉填宮井野火風驅燒九鼎殿巢江燕砌生蒿
十二金人霜炯炯芊綿平綠臺城基暖色春容荒古陂

寧知玉樹後庭曲留待野棠如雪枝

織錦詞

丁東細漏侵瓊瑟影轉高梧月初出簇簌金梭萬縷紅
鴛鴦艷錦初成足錦中百結皆同心藥亂雲盤相間深
此意欲傳傳不得玫瑰作柱朱絃琴為君裁破合歡被
皇斗迢迢共千里象尺薰爐未覺秋碧池已有新蓮子

夜宴謠

長釵墜髮雙蜻蜓碧盡山斜開畫屏虬鬚公子五侯客

一飲千鍾如建瓴鸞咽妖唱圓無節眉斂湘煙袖迴雪
清夜恩情四座同莫令溝水東西別亭亭蠟淚香珠殘
暗露曉風羅幕寒飄颻戟帶儼相次二十四枝龍畫
竿裂管縈絃共繁曲芳樽細浪傾春醪高樓客散杏花
多脈脈新傳如瞪目

蓮浦謠

鳴橈軋軋溪溶溶廢綠平煙吳苑東水清蓮媚兩相向
鏡裏見愁愁更紅白馬金鞍大堤上西江日夕多風浪

荷心有露似驪珠不是真圓亦搖蕩

郭處士擊甌歌

佶粟金虬石潭古勺陂潏潏幽修語湘君寶馬上神雲
碎珮叢鈴滿煙雨吾聞六宮花離離軟風吹雪星斗稀
玉晨冷磬破昏夢天露未乾香著衣蘭釵委墜垂雲髮
小響玎璫逐迴雪晴碧煙滋重疊山羅屏半掩桃花月
太平天子駐雲車龍鑪勃鬱雙蟠拏宮中近臣抱扇立
侍女低鬟落翠花亂珠觸續正跳蕩傾頭不覺金烏斜

我亦為君長嘆息，緘情遠寄愁無色。
莫沾香夢綠楊絲，千里春風正無力。

錦城曲

蜀山攢黛留晴雪，蒼葦巖牙索九折。
江風吹巧剪霞綃，花上千枝杜鵑血。
杜鵑飛入巖下叢，夜叫思歸山月中。
巴水漾漾情不盡，文君織得春機紅。
怨魄未歸芳草死，江頭學種相思子。
樹成寄與望鄉人，白帝荒城五十里。

舞衣曲

藕腸纖縷抽輕春煙機漠漠嬌娥頻金梭浙瀝透空薄
剪落交刀吹斷雲張家公子夜聞雨夜向蘭堂思楚舞
蟬衫林帶壓愁香偷得烏黃鑲金縷管含蘭氣嬌語悲
胡槽雪腕鴛烏絲芙蓉力弱應難定楊柳風多不自持
迴頭笑語西窓客星斗寥寥波脈脈不逐秦王捲象牀
滿樓明月梨花白

感巢歌

蠟煙如燾新蟬滿門外平沙草芽短黑頭丞相九天歸

夜聽飛瓊吹朔管情遠氣調蘭蕙薰天香瑞彩含網緼
皓然纖指都揭血日暖碧簫無片雲含商咀徵雙幽咽
軟殺疎羅共蕭瑟不盡長圓疊翠愁柳風吹破澄潭月
鳴梭浙瀝金絲藥恨語殷勤隴頭水漢將營前萬里沙
更深一一霜鴻起十二樓前花正繁交指簇蒂連壁門
景陽宮女正愁絕莫使此聲催斷魂

雉場歌

菱葉萋萋接煙曙雞鳴埭上梨花露彩杖鏘鏘已合團

綉翎白頭遙相妬
雕尾扇張金縷
高碎鈴素拂驪駒
縹綠場紅跡來相接
箭發銅牙傷彩毫
麥隴桑陰小山晚
六虬歸去疑笳遠
城頭却望幾含情
青畝春蕪連石苑

雍臺歌

太子池南樓百尺
八窓新樹疎簾隔
黃金鋪首畫鉤陳
羽葆停幢拂交戟
盤紆欄楯臨高臺
殿帳臨流鸞扇開
早雁驚鳴細波起
映花鹵簿龍飛迴

常林歡歌

宜城酒熟花覆橋沙晴綠鳴鳴咬咬濃桑繞舍麥如尾
幽軋鳴機雙燕巢馬聲特特荆門道蠻水揚光色如草
錦薦金鑪夢正長東家咿喔雞鳴早

湖陰詞序

并序

王敦奉兵至湖陰明帝微行視其營伍由是樂府有
湖陰曲而亡其詞因作而附之

祖龍黃鬚珊瑚鞭鐵驄金面青連錢虎髯拔劍欲成夢
日壓賊營如血鮮海旗風急驚眠起甲重光搖照湖水

蒼黃追騎塵外歸，森索妖星陣前死。
五陵愁碧春萋萋，灞川王馬空中嘶。
羽書如電入青瑣，雪腕如槌催畫鞞。
白虬天子金煌鉉，高臨帝座迴龍章。
吳波不動楚山晚，花壓欄干春晝長。

晚歸曲

格格水禽飛帶波，孤光斜起夕陽多。
湖西山淺似相笑，菱刺惹衣攢黛蛾。
青絲繫船向江水，蘭芽出土吳江曲。
水極晴搖泛艷細，草平春染煙綿綠。
玉鞭騎馬楊叛兒。

刻金作鳳光參差丁丁暖漏滴花影催入景陽人不知
彎堤弱柳遙相矚雀扇團圓掩香玉蓮塘艇子歸不得
柳暗桑穠聞布穀

臺城曉朝曲

司馬門前柳千炬闌干星斗天將曙朱網龕鬢丞相車
曉隨疊鼓朝天去博山鏡樹香茸茸裏裏浮觥金畫龍
大江斂勢避辰極兩闕深嚴煙翠濃

達摩支曲

雜言

擣麝成塵香不滅，
搗蓮作寸絲難絕。
紅淚文姬洛水春，
白頭蘇武天山雪。
君不見無愁高緯花
漫漫，漳浦晏餘
清露寒。一旦臣僚
共囚虜，欲吹羌管
先汎瀾。舊臣頭髮
霜華早，可惜雄心
醉中老。萬古春歸
夢不歸，鄴城風雨
連天早。

東郊行

鬪雞臺下東西道，
柳覆斑駁蝶縈草。
塊靄韶容鑠澹愁，
青筐葉盡蠶蟲應。
老綠渚幽香生白蘋，
差差小娘吹魚鱗。

王孫騎馬有歸意
林彩著空如細塵
安得人生各相守
燒船破棧休馳走
世上方應無別離
路傍更長千枝柳

東峰歌

錦礫潺湲玉溪水
曉來微雨藤花紫
冉冉山雞紅尾長
一聲樵斧驚飛起
松刺流空石差齒
煙香風軟人參藥
陽崖一夢伴雲根
仙菌靈芝夢魂裏

醉歌

簷柳初黃燕新乳
曉碧芊綿過微雨
樹色深含臺榭情

鶯聲巧作煙花主錦袍公子陳盃觴撥醅百甕春酒香
入門下馬問誰在降階握手登華堂臨邛美人連山眉
低抱琵琶含怨思朔風繞指我先笑明月入懷君自知
勸君莫惜金樽酒年少須臾如覆手辛勤到老慕簞瓢
於我悠悠竟何有洛陽盧仝稱文房妻子脚禿舂黃糧
阿耄老眼不識字指麾豪俊如驅羊天犀壓斷朱鼉鼠
瑞錦驚飛金鳳凰其餘豈足需牙齒欲用何能報天子
駑馬垂頭槍暝塵驂騑一日行千里但有沈冥醉客家

支頤瞪目持流霞，惟恐南園風雨落。
碧蕪狼籍棠梨花，
堂堂曲

錢塘岸上春如織，
瑟瑟寒潮帶晴色。
淮南遊客馬連嘶，
碧草途人歸不得。
風飄客意如吹煙，
纖指殷勤傷雁絃。
一曲堂堂紅燭筵，
長鯨瀉酒如飛泉。

春愁曲

紅絲穿露珠簾，冷百尺啞啞下。
纖綆遠翠愁山入，
卧屏兩重雲母空。
烘影涼簪墜髮春，
眠重玉兔熅氤柳如夢。

錦疊空牀委墜紅
颺颺掃尾雙金鳳
蜂喧蝶駐戲悠揚
柳拂赤欄纖葉長
覺後梨花委平綠
春風和雨吹池塘

懊惱曲

藕絲作線難勝針
藥粉染黃那得深
玉白蘭芳不相顧
青樓一笑輕千金
莫言自古皆知此
健劍刺鐘銘繞指
三秋庭綠盡迎霜
惟有荷花守紅死
廬江小吏朱班輪
柳縷吐芽香玉新
兩股金釵已相許
不令獨作空成塵
悠悠楚水流如馬
恨紫愁紅滿平野
野土千年怨不平

至今燒作鴛鴦瓦

三洲詞

團圓莫作波中月
潔白無為枝上雪
月隨波動碎
潏潏雪似梅花不堪折
李娘十六青絲髮
畫帶雙花為君結
門前有路輕別離
惟恐歸來舊香滅

春時曲

家臨長信往來道
乳燕雙雙拂煙草
油壁車輕金犢肥
流蘇帳曉春雞早
籠中嬌鳥暖猶睡
簾外落花閒不掃

衰桃一樹近前池似惜紅顏鏡中老

七夕

鳴機札札停金梭芙蓉澹蕩生池波
神軒紅粉陳香羅鳳低蟬薄愁雙蛾
微光奕奕凌天河鸞咽鶴唳飄颻歌
鸞橋銷盡愁奈何天氣駘蕩雲陂陀
平明花木有愁意露濕綵盤蛛網多

西嶺道士茶歌

乳燕濺濺通石脈綠塵愁草春江色
澗花入井水味香

山月當人松影直仙翁白扇霜烏翎拂壇夜讀黃庭經
疎香皓齒有餘味更覺道心通杳冥

送洛陽李主簿

想君秦塞外因見楚山青槲葉曉迷路枳花春滿庭
祿優仍侍膳官散得專經子敬懷愚谷歸心在翠屏

巫山神女廟

黯黯閉宮殿霏霏蔭薜蘿曉峰眉上色春水臉前波
古樹芳菲盡扁舟離恨多一叢斑竹夜環珮響如何

題陳處士幽居

松軒塵外客高枕自蕭疎
雨後苔侵井霜來葉滿渠
閒移鏡湖棹秋得越僧書
若待前溪月誰人伴釣魚

題盧處士居

西溪問樵客遙識楚人家
古樹老連石急泉清露沙
千峰隨雨暗一徑入雲斜
日暮飛鴉盡滿庭麴麥花

初秋寄友人

閒夢正悠悠涼風生竹樓
夜琴如欲雨曉簟覺新秋
獨

鳥楚山遠一蟬關樹愁憑將離別恨江外問同遊

題豐安里王相林亭

偶到烏衣巷含情更惘然西州曲堤柳東府舊池蓮
星圻悲元老雲歸送墨仙誰知濟川楫今作野人船

和友人盤石寺逢舊友

楚寺上方宿滿堂皆舊遊月溪逢遠客煙浪送歸舟
江館白蘋夜水關紅葉秋西風吹暮雨汀草更堪愁

送人南遊

送君遊楚國江浦樹蒼然沙淨有波跡岸平多草煙角
悲臨海郡月到渡淮船惟以一杯酒相思隔遠天

贈鄭處士

飄然隨釣艇雲水是天涯紅葉下荒井碧梧侵古槎醉
收陶令菊貧賣邵平瓜更有相期處南籬一樹花

江岸即事

水容侵古岸岸影度青蘋廟竹惟聞鳥江帆不見人雀
聲花外暝客思柳邊春別恨轉難盡行行汀草新

送并州郭書記

賓筵得佳客，侯印有光輝。
候騎不傳箭，迴文空上機。
塞塵牧馬去，烽火射雕歸。
惟有嚴家瀨，回環徑草微。

贈越僧

世機消已盡，巾履亦飄然。
一室故山月，滿瓶秋澗泉。
禪菴過微雪，鄉寺隔寒煙。
應共白蓮客，相期松桂間。

商人早行

晨起動征鐸，客行悲故鄉。
雞聲茅店月，人迹板橋霜。
柵

葉落山路積花明驛牆因思杜陵夢鳧雁滿迴塘

途中有懷

驅車何日閒擾擾路歧間歲暮自多感客程殊未還亭
臯汝陽道風雪穆陵關臘後寒梅發誰人在故山

經李處士杜城別業

憶昔幾遊集今來倍嘆傷百花情易老一笑事難忘白
社已蕭索青樓空艷陽不閒雲雨夢猶欲過高唐

西遊書懷

渭川通野戍有路上桑乾獨鳥青天暮驚麋赤燒殘高
秋辭故國昨日夢長安客意自如此非關行路難

偶題

孔雀眠高閣櫻桃拂短簷畫明金冉冉語玉纖纖細
雨無妨燭輕寒不隔簾欲將紅錦段因夢寄江淹

齊宮

白馬雜金飾言從雕輦迴粉香隨笑鬢態伴愁來遠
水斜如剪青莎綠似裁所恨章華日冉冉下層臺

中書令裴公挽歌

箭下妖星落風前殺氣迴國香荀令去樓月定公來玉
璽終無慮金滕竟不開空嗟薦賢路芳草滿燕臺

開聖寺

路分礫石夾煙叢十里蕭蕭古樹風出寺馬嘶秋色裏
向陵鴉亂夕陽中竹間泉落山厨靜塔下僧歸影殿空
猶有南朝舊碑在恥將興廢問休公

贈蜀將

十年分散劔闌秋萬事皆隨錦水流心氣已曾明漢節
功名猶自滯吳鉤鵬邊認箭寒雲重馬上聽笳塞草愁
今日逢君倍惆悵灌嬰韓信盡封侯

寄清源寺僧

石路無塵竹徑開昔年曾伴戴顓來窓間半偈聞鐘後
松下殘棋送客迴簾向玉峰歲夜雪砌因藍水長秋苔
白蓮社裏如相問為說遊人是姓雷

題李處士幽居

水玉簪頭白角巾
瑤琴寂歷拂輕塵
濃陰似帳紅薇晚
細雨如煙碧草春
隔竹見籠疑有鶴
捲簾看花靜無人
南山自是忘年友
谷口徒稱鄭子真

南湖

湖上微風入檻涼
翻翻菱荇滿迴塘
野船著岸偃春草
水鳥帶波飛夕陽
蘆葉有聲疑霧雨
浪花無際似瀟湘
飄然蓬艇東遊客
盡日相看憶楚鄉

贈袁司錄

丞相淮陽公之猶子

一朝辭滿有心期
花發揚園雪壓枝
劉尹故人諳往事
謝郎諸弟得知金
釵醉就胡姬飲
玉管閒留洛客吹
記得襄陽耆舊語
不堪風景峴山碑

偶題

微風和暖日鮮明
草色迷人向渭城
吳客捲簾閒不語
楚娥攀樹獨含情
紅垂果蒂櫻桃重
黃染花叢蝶粉輕
自恨青樓無近信
不將心事許卿卿

法雲雙檜

晉朝名輩此離羣想對濃陰去住分題處尚尋王內史
畫時應是故將軍長廊夜靜聲疑雨古殿秋深影勝雲
一下南臺到人世曉泉清籟更難聞

春日偶作

西園一曲艷陽歌擾擾車塵負薜蘿自欲放懷猶未得
不知經世竟如何夜聞猛雨判花盡寒戀重衾覺夢多
釣渚別來應更好春風還為起微波

春暮宴罷寄宋壽先輩

斜掩朱門花外鐘
曉鶯時節好相逢
窻間桃蘂宿妝在
雨後牡丹春睡濃
蘇小風姿迷下蔡
馬卿才調似臨邛
誰憐芳草生三徑
參佐橋西陸士龍

題望苑驛

弱柳千條杏一枝
半含春雨半垂絲
景陽寒井人難到
長樂晨鐘鳥自知
花影至今通博望
樹名從此號相思
分明十二樓前月
不向西陵照盛姬

贈知音

翠羽花冠碧樹雞未明先向短牆啼
窻間謝女青蛾斂
門外蕭郎白馬嘶星漢漸移庭竹影
露珠猶綴野花迷
景陽宮裏鐘初動不語垂鞭上柳堤

題崔公池亭舊遊

皎鏡芳塘菡萏秋此來重見採蓮舟
誰能不逐當年樂
還恐添成異日愁紅艷影多風嫋嫋
碧空雲斷水悠悠
簷前依舊青山色盡日無人獨上樓

回中作

蒼莽寒空遠色愁
嗚嗚戍角上高樓
吳姬怨思吹雙管
燕客悲歌上五侯
千里關山邊草夕
一星烽火朔雲秋
夜來霜重西風起
隴水無聲凍不流

老君廟

紫氣氤氳捧半巖
蓮峰仙掌共巉巖
廟前晚色連寒水
天外斜陽帶遠帆
百二關山扶玉座
五千文字閱瑤緘
自憐金骨無人識
知有飛龜在石函

地脈山春日

萼萼花明岸涓涓水遠山幾時拋俗事來共白雲閒

碧澗驛曉思

香燈半殘夢楚國在天涯月落子規歇滿庭山杏花

車駕西遊因而有作

宣曲長陽瑞氣凝上林狐兔待秋鷹誰將詞賦陪雕輦
寂寞相如卧茂陵

贈少年

江海相逢客恨多秋風葉下洞庭波酒酣夜別淮陰市

月照高樓一曲歌

瑶瑟怨

冰簟銀牀夢不成
碧天如水夜雲輕
雁聲遠過瀟湘去
十二樓中月自明

鄆社郊居

槿籬芳暖近樵家
壠麥青青一徑斜
寂寞遊人寒食後
夜來風雨送梨花

贈鄭徵君家匡山首春與丞相贊皇公遊

一拋蘭棹逐燕鴻
曾向江湖識謝公
每到朱門還悵望
故山多在畫屏中

三月十八日雪中作

芍藥薔薇語早梅
不知誰是艷陽才
今朝領得春風意
不復饒君雪裏開

彈箏人

天寶年中事玉皇
曾將新曲教寧王
鈿蟬金雁今零落
一曲伊州淚萬行

石倉歷代詩選卷七十七

欽定四庫全書

石倉歷代詩選卷七十八

明 曹學佺 編

晚唐五

杜荀鶴

字彥之
池州人

春宮怨

早被嬋娟誤欲妝
臨鏡慵承恩不在貌
教妾若為容風
暖鳥聲碎日高花影重
年年越溪女相憶採芙蓉

訪道者不遇

寂寂白雲門尋真不遇真祇應松上鶴便是洞中人藥
圃花香異沙泉鹿跡新題詩留姓字他日此相親

送人遊吳

君到姑蘇見人家盡枕河古宮閒地少水港小橋多夜
市賣菱藕春船載綺羅遙知未眠月鄉思在漁歌

浙中逢詩友

到處有同人多為賦與文詩中難得友湖畔喜逢君凍

把城根雪風開嶽面雲苦吟猶不足爭忍話離羣

送友遊吳越

去越從吳過吳疆與越連有園多種橘無水不生蓮
夜市橋邊火春風寺外船此中偏重客君去必經年

登天台寺

一到天台寺高低景旋生共僧巖上坐見客海邊行
野色人耕破山根浪打鳴忙時向閒處不覺有閒情

題江島僧居

師愛無塵地江心島上居接船求化慣登陸赴齋疎載
土春栽樹拋生日餒魚入雲蕭帝寺畢竟欲何如

送人遊江南

滿酌勸君酒勸君君莫辭能禁幾度別即到白頭時晚
岫無雲蔽春帆有燕隨男兒兩行淚不欲等閒垂

遊茅山

步步入山門仙家鳥徑分漁樵不到處麋鹿自成羣石
面迸出水松頭穿破雲道人星月下相次禮茅君

郊居即事投李給事

無祿奉晨昏閒居幾度春江湖苦吟士天地最閒人書
劍同三友蓬蒿外四鄰相知不相薦何以自謀身

霽後登唐興寺水閣

一雨三秋色蕭條古寺間無端登水閣有處似家山白
日生新事何時得暫閒將知老僧意未必戀松闕

贈廬嶽隱者

自見來如此未嘗離洞門結茅遮雨雪採藥給晨昏古

樹藤纏殺春泉鹿過渾悠悠無一事不似屬乾坤

懷紫閣隱者

紫閣白雲端雲中有地仙未歸蓬島上猶隱國門前
洞口人無跡花陰鹿自眠焚香賦詩罷星月冷遙天

送賓貢登第後歸海東

歸捷東華第登船鬚未絲直應天上桂別有海東枝
國界波窮處鄉心日出時西風送君去莫慮到家遲

送人南遊

凡遊南國者未有不蹉跎到海路難盡挂帆人更多潮
沙分象跡花洞響蠻歌縱有投文處於君能幾何

經賈島墓

謫宦自麻衣銜冤至死時山根三尺墓人口數聯詩仙
桂終無分皇天自有私暗松風雨夜空使老猿悲

秋夜晚泊

一望一蒼然蕭騷起暮天遠山橫落日歸鳥度平川家
是去秋別月當今夕圓漁翁似相伴徹曉葦叢邊

經九華費徵君墓

凡弔先生者多傷荆棘間不知三尺墓高却九華山天
地有何外子孫無亦聞當時若徵起未必得身還

溪居叟

溪翁居靜處溪鳥入門飛早起釣魚去夜深乘月歸見
君無事老覺我有求非不說風霜苦三冬一草衣

贈秋浦金長府

倚郭難為宰非君即有私惟憑野老口不立政聲碑若

甚求名日貧於未選時溪山竟如此利得且吟詩

將遊湘湖有作

一家相別意不得不潛然遠作南方客初登上水船嶽
鍾思冷夢湘月少殘篇便有歸來計風波亦隔年

江上逢韋彖先輩

不易為離抱江天即見鴻暮帆何處落涼月與誰同木
葉新霜後漁燈夜浪中時難慎行止吾道利於窮

維揚逢詩友張喬

金
卷七十八
天下方多事逢君得話詩直應吾道在未覺國風衰生
計吟銷日人情醉過時雅篇三百首留作後來師

秋日懷九華舊居

吾道在五字吾身寧陸沈涼生中夜雨病起故山心燭
共寒微飲蛩添苦楚吟何當遂歸去一徑入松林

下第東歸別人

不得同居住當春別帝鄉年華落第老歧路出關長芳
草綠流水殘花向夕陽懷親暫歸去非是釣滄浪

登山寺

山半一山寺野人秋日登就中偏愛石獨上最高層有
果猿攀樹無齋鶴看僧儒門自多事來此復何能

送友人遊南海

南海南邊路君遊祇為貧山川多少路郡邑幾何人花
鳥名皆別寒暄氣不均相期旦晚見莫待瘴侵身

寄益陽武濯明府

縣稱詩人理無嫌但寂寥溪山入城郭戶口半漁樵月

滿彈琴夜花香漉酒朝相思不相見雲水路迢迢

閩中別所知

觸目生歸思那堪路七千臘中離此地馬上見明年郡
邑溪山巧寒暄日月偏自疑雙鬢雪不似到南天

春訪獨孤處士

一醉春來靜深宜長者居好花都待晚脩竹不妨疎雁
入湘江食人侵曉色鋤似君無學處頭白道如初

冬末同友人泛瀟湘

殘臘泛舟何處好最多吟興是瀟湘就船買得魚偏美
踏雪沽來酒倍香猿到夜深啼嶽麓雁知春近到衡陽
與君剝採江山景裁取新詩入帝鄉

題廬嶽劉處士草堂

仙境閒尋採藥翁草堂留話一宵同若看山下雲深處
直是人間路不通泉冷藕花來洞口月將松影過溪東
求名心在閒難遂明日馬蹄塵土中

山中寄詩友

山深長恨少同人
覽景無時不憶君
庭果自從霜後熟
夜猿頻向屋邊聞
琴臨秋水彈明月
酒向東山酌白雲
仙桂算攀攀合得
平生心力盡於文

秋宿臨江驛

南來北去二三年
年去年來兩鬢斑
舉世盡從愁裏老
誰人肯向死前閒
漁舟火影寒歸浦
驛路鈴聲夜過山
身事未成歸未得
聽猿鞭馬入長安

冬末自長沙遊桂嶺留獻所知

家隔重湖歸未期更堪南去別深知前程笑到山多處
上馬愁逢歲盡時四海內無容足地一生中有苦心詩
朱門祇見朱門事獨把孤寒問阿誰

夏日登友人書齋林亭

暑天長似秋天冷帶郭林亭盡不如蟬噪檻前遮日竹
鷺窺池面弄萍魚拋山野客橫琴醉種藥家僮踏雪鋤
衆惜君才堪上第莫因居此與名疎

寄臨海姚中丞

夏辭旌旆已秋深
永夕思量淚滿襟
風月易斑搜句鬢
星霜難改感恩心
尋花洞裏連春醉
望海樓中徹曉吟
雖有夢魂知處所
去來多被角聲侵

秋日閒居寄先達

到頭心事欲何為
窻下工夫鬢上知
乍可百年無稱意
誰教一日不吟詩
風驅早雁衝湖色
雨挫殘蟬點柳枝
自古書生也如此
獨看惆悵是明時

題覺禪和

少見修行得似師茅堂佛像亦隨時禪衣補後雲藏線
夏臘高來雪印眉耕地戒侵連塚土伐薪教護帶巢枝
有時問著經中事却道山僧總不知

春日山居寄友人

野吟何處最相宜春景暄和好入詩高下麥苗新雨後
淺深山色晚晴時半巖雲脚風牽斷平野花枝鳥踏垂
倒載干戈是何日近來麋鹿欲相隨

懷廬嶽舊隱

一別三年長在夢夢中時躡石稜層泉聲入野方堪聽
山色逢秋始可登巖鹿慣隨鋤藥叟溪鷗不怕洗苔僧
人間有許多般事求要身閒直未能

和友人見題山居

避時多喜葺居成七字君題萬象清開戶曉雲連地白
訪人秋月滿山明庭前樹瘦霜來影洞口泉噴雨後聲
有景供吟且如此算來何必躁浮名

贈徹上人

多少僧中僧行高偈成流落遍僧抄經窓月靜灘聲到
石徑人稀蘚色交垂露竹粘蟬落殼翠雲松載鶴棲巢
煮茶童子閒勝我猶得依時把磬敲

哭山友

十載同棲廬嶽雲寒燒枯葉夜論文在生未識公卿面
至死不離麋鹿羣從見蓬蒿叢壞屋長憂雨雪透荒墳
把君詩句高聲讀想得天高也合聞

別四明鍾尚書

九華天際碧嵯峨，無奈春來入夢何。
難與英雄論教化，却思猿鳥共煙蘿。
風前柳態閒時少，雨後花容淡處多。
都大人生有離別，且將詩句代離歌。

宿東林寺題願公院

古寺沈沈僧未眠，猶願將客說閒緣。
一溪月色非塵世，滿洞松聲似雨天。
簷底水涵抄律燭，窓間風引煮茶煙。
無由往得吟相伴，心繫青雲十五年。

馬上行

五更復五里去時無住時日將家漸遠猶恨馬行遲

閩中秋思

雨勻紫菊叢叢色風弄紅蕉葉葉聲北畔是山南畔海
祇堪圖畫不堪行

溪興

山雨溪風卷釣絲瓦甌蓬底獨斟時醉來睡著無人喚
流下前溪也不知

溪岸秋思

桑柘窮頭三四家
挂罾垂釣是生涯
秋風忽起溪灘白
零落岸邊蘆荻花

宿欒城驛却寄常山張書記


一更更盡到三更
吟破離心句不成
數樹秋風滿庭月
憶君時復下階行

題新雁

暮天新雁起汀洲
紅蓼花疎水國秋
想得故園今夜月
幾人相憶在江樓

旅舍遇雨

月華星彩坐來收
嶽色江聲暗結愁
半夜燈前十年事
一時和雨到心頭



石倉歷代詩選卷七十八

欽定四庫全書

集部

石倉歷代詩選卷

七十九
八十九

詳校官庶吉士臣范逢恩

侍讀臣孫球覆勘

總校官進士臣朱 銓

校對官中書臣王慶長

謄錄監生臣楊方枏

欽定四庫全書

石倉歷代詩選卷七十九

明 曹學佺 編

○晚唐六

李頻

字德新建
州太守

宋少府東溪泛舟

登岸還入舟水禽驚笑語晚葉低衆色濕雲帶繁暑落
日乘醉歸溪流復何許

南遊過湘漢即事寄友人

南去遠駢逐三湘五月行
巴山雪水下楚澤火雲生
向野聊中飯乘涼探暮程
離懷不可說已迫峽猿聲

送友人下第歸越

歸意隨流水江湖共在東
山陰何處去草際片雲通
雨色春愁裊潮聲曉夢中
雖為半年客便是往來鴻

秋夜對月寄鳳翔范書記

月過秋霖後光應夜夜清
一迴相憶處幾度獨吟行
河

漢東西道山川遠近明寸心遙住處新有雁來聲

黔中罷職將泛江東

黔荒初罷職薄俸亦無錢舉目鄉關遠攜家旅食難野
梅將雪競江月共沙寒兩鬢愁應白何勞把鏡看

古意

白馬遊何處青樓日正長鳳簫拋舊曲鸞鏡懶新妝
玄鳥空巢語飛花入戶香雖非竇滔婦錦字已成章

送友人遊蜀

東堂雖不捷西去復何愁蜀馬知歸路巴山似舊遊星
臨劔閣動花落錦江流鼓吹青林下時聞祭武侯

送人遊太原

孤帆幾日懸楚客思飄然水宿南湖夜山離舊國年秋
風高送雁寒雨入停蟬此去勤書札時常中路傳

哭賈島

秦樓吟苦夜南望只悲君一宦終遐徼千山隔旅墳恨
聲流蜀魄清氣入湘雲無限風騷句時來日不聞

送供奉喻鍊師歸天目

承恩雖內殿得道本深山舉世相看老孤筇一任還溪
來青壁裏路在白雲間絕頂無人住雙峰是舊關

送人遊吳

楚田開雪後草色與君看積水浮春氣深山滯雨寒毗
陵孤月出建業一鍾殘為把鄉書去因收別淚難

送延陵韋少府

延陵稱貴邑季子有高蹤古跡傳多代仙山管幾峰微泉

聲小雨異木色深冬去畢三年秩新詩篋不容

淮南送友人歸滄州

風色忽西轉坐為千里分高帆背楚落寒日送淮曛斷
燒綠喬木盤鷗隱片雲鄉關百戰地歸去始休軍

送友人往振武

風沙遙見說道路替君愁磧夜星垂地雲明火上樓征
鴻辭塞雪戰馬識邊秋不共將軍語何因有去留

送德清喻明府

棹返雲溪雲仍參舊使君州傳多古跡縣記是新文水
柵橫舟閉湖田立木分但如詩思苦為政即起羣

漢上送人西歸

幾作西歸夢因為愴別心野銜天去盡山夾漢來深疊
浪翻殘照高帆引片陰空留相贈去畢我白頭吟

寄友人

一別一相見須臾老此生客衣寒後薄山思夜深清詩
近吟何句鬚新白幾莖路歧如昨日來往夢分明

送裴御史赴湖南

開門鳥道外飛傳復乘驄暮雪離秦甸春雲入楚宮平
蕪天共闊積水地多空使府懸帆去能消幾日風

山居

欲出窮吾道東西自未能捲書惟對鶴開畫獨留僧落
葉和雲埽秋山共月登何年石上水夜夜滴高層

春日南遊寄浙東許同年

孤帆處處宿不問是誰家南國平蕪遠東風細雨斜旅

懷多寄酒寒意欲留花更想前途去茫茫滄海涯

鄂渚湖上即事

杜門聊自適湖水在窻間
縱得滄江去無過白日閒
多慵空好道少賤早凋顏
獨有東山月依依自往還

春原早望

一忝鄉書薦長安未得迴
年光逐渭水春色上秦臺
燕掠平蕪去人衝細雨來
東風生故里又過幾花開

過四皓廟

東西南北人高跡自相親天下已歸漢山中猶避秦龍
樓曾作客鶴斃不為臣獨有千年後青青廟木春

陝下懷歸

故園何處在零落五湖東日暮無來客天寒有去鴻大
河冰徹塞高嶽雪連空獨夜懸歸思迢迢永漏中

夏日藍屋郊居寄姚少府

古木有清陰寒泉在下深蟬從初伏噪客向晚涼吟白
日欺玄鬢滄江負素心甚思中夜話何路許相尋

送友人陸肱往太原

并州非故國君去復尋誰
獫狁方為寇嫫姚正用師
戍煙來自遠邊雪下無時更
想經綿上應逢禁火期

深秋過源宗上人房

到日值搖落相留山舍空
微寒生夜半積雨向秋終
度講多來雁經禪少候蟲
方從聽話後不省在愁中

秋日登山閣

蒼蒼山閣晚杳杳隙塵秋
偶上多時立翻成盡日愁
草

平連邑動河滿逐江流下視窮邊路行人在隴頭

宿慈恩遂上人院

滿閣終南色清宵獨倚欄風高斜漢動葉下曲江寒帝
里求名老空門見性難吾師無一事不省在長安

遊四明山劉樊二真人祠題山下孫氏居

久在仙壇下全家是地仙池塘來乳洞禾黍接芝田起
看青山足還傾白酒眠不知塵世事雙鬢逐流年

送壽昌曹明府

惠人須宰邑為政貴通經却用清琴理猶嫌薄俗聽漲
江晴漸綠春嶠燒還青若宿嚴陵瀨誰當是客星

湘口送人

中流欲暮見湘煙葦岫無窮接楚天去雁遠衝雲夢雪
離人獨上洞庭船風波盡日依山轉星漢通霄向水連
零落梅花過殘臘故園歸醉及新年

長安即事

長遇豪家不敢過此身誰與取高科故園久絕書來後

南國空看雁去多
中夜永懷聽疊漏
先秋歸夢涉層波
愁人白髮自生早
我獨少年能幾何

太和公主還宮

天嬌發使犯邊塵
漢將推功遂奪親
離亂應無初去貌
死生難有却回身
禁花半老曾攀樹
宮女多非舊識人
重上鳳樓追故事
幾多愁思向青春

樂遊原春望

五陵佳氣晚氛氳
霸業雄圖勢自分
秦地山河連楚塞

漢家宮殿入青雲
未央樹色春中見
長樂鐘聲月下聞
無那楊華起愁思
滿天飄落雪紛紛

春日思歸

春情不斷若連環
一夕思歸鬢欲斑
壯志未酬三尺劍
故鄉空隔萬重山
音書斷絕干戈後
親友相逢夢寐間
却羨浮雲與飛鳥
因風吹去又吹還

吳門別主人

早晚更看吳苑月
小齋長憶落西窻
不知明夜誰家見

應照離人隔楚江

聞金吾妓唱梁州

聞君一曲古梁州
驚起黃雲塞上愁
秦女樹前花正發
北風吹落滿城秋

寄曹鄴

終南山是枕前雲
禁漏無因曉夜聞
懶客秋來不朝日
曲江西岸去尋君

雍陶

字國鈞
成都人

登武昌江上寺

虛豁登寶所三休極層構獨立天地間煙雲滿襟袖
荒初落日劒野呈綺繡愁檻祝融微陰軒九江湊拂簷
黃姑舍錯落白榆秀倚觀天竺祠蛟龍蟠古甃書劒忽
若空青雲日方晝南朝空蒼莽楚澤稀耕耨萬事溺顏
波一航安可就世代遷陵谷湖光隱圭竇早聞羣黃鶴
飄舉寒江岫燕宮豸冠客憑覽發清奏珠玉難嗣音擬
轅愧孤陋

贈宗靜上人

世上方傳教山中未得歸閒花飄講席馴鵠汙禪衣積
雨誰過寺殘鐘自掩扉寒來垂頂帽白髮剃應稀

贈金河戍客

慣獵金河路曾逢雪不迷射鵬青塚北走馬黑山西戍
遠旌幡少年深帳幕低酬恩須盡敵休說夢中墜

酬秘書王丞見寄

朝下有閒思南溝水邊行因來見寥落轉自歎平生白

首丈夫氣寸心知己情留詩本相慰却憶苦吟聲

秋露

白露曖秋色月明清漏中痕沾珠箔重點落玉盤空竹
動時驚鳥莎寒暗滴蟲滿園生永夜漸欲與霜同

少年行

不倚軍功有俠名可憐毬獵少年情戴鈴健鶻隨聲下
撼珮驕驄弄影行覓匠重裝燕客劍對人新按越姬箏
豈知儒者心偏苦吟向秋風白髮生

憶山寄僧

塵路誰知踏雪蹤
到來空認出雲峰
天晴遠見月中樹
風便細聽煙際鐘
閱世數思僧並院
憶山長羨鶴歸松
新愁舊恨都難說
為叩南宗與北宗

贈玉芝觀王尊師

處處煙霞尋總徧
却來城市喜逢師
時流見說無人在
年幾惟應有鶴知
大藥已成寧畏晚
小松初種不嫌遲
長憂一日歸天去
未授靈方遣問誰

罷還邊將

白鬚虜將話邊事自失公權怨語多漢主豈勞思李牧
趙王猶是用廉頗新鷹飽肉惟閒獵舊劍生衣懶更磨
百戰無功身老去羨他年少渡黃河

哭饒州吳諫議史君

忽聞身謝滿朝驚俄感鄱陽罷市情遺愛永存今似古
高名不朽死如生神仙難見青螺事諫議空留白馬名
授館曾為門下客幾迴垂淚過宣平

經杜甫舊宅

浣花溪裏花多處為憶先生在蜀時
萬古只應留舊宅
千金無復換新詩
沙崩水檻鷗飛盡
樹壓村橋馬過遲
山月不知人事變
夜來江上與誰期

到蜀後記途中經歷

劍峰重疊雪雲漫
憶昨來時處處難
大散嶺頭春足雨
褒斜谷裏夏猶寒
蜀門去國三千里
巴路登山八十盤
自到成都燒酒熟
不思身更入長安

塞路初晴

晚虹斜日塞天昏
一半山川帶雨痕
新水亂侵青草路
殘雲猶抱綠楊村
邊人羊馬休南牧
漢將旌旗在北門
行子喜聞無戰伐
閒看遊騎獵秋原

感興

貧女貌非醜
要須緣嫁遲
還似求名客
無媒不及時

春懷舊遊

吟想舊經過
花時奈遠何
別來長似見
春夢入關多

離京城宿商山作

山月吟聲苦春風引思長無由及塵土猶帶杏花香

秋館雨夜

夜雨空館靜幽人起徘徊長安醉眠客豈知新雁來

聞子規

百鳥有啼時子規聲不歇春寒四鄰靜獨叫三更月

懷無可上人

山寺秋時後僧家夏滿時清涼多古迹幾處有新詩

送客遠望

別遠心更苦，遙將目送君。
光華不可見，孤鶴沒秋雲。

傷靡草

靡草似客心，年年亦先死。
無由伴花落，暫得因風起。

韋處士郊居

滿庭詩境飄紅葉，繞砌琴聲滴暗泉。
門外晚晴秋色老，萬條寒玉一溪煙。

秋懷

古槐煙薄晚鴉愁獨向黃昏立御溝南國望中生遠思
一行新雁去汀洲

春行武關作

風香春暖展歸程全勝遊仙入洞情一路綠溪花覆水
不妨閒看不妨行

送人歸吳

遠愛春波正滿湖羨君東去是歸途吟詩好向月中宿
一叫水天沙鶴孤

喜夢歸

孤館歲闌頻有夢
分明最似此宵希
覺來莫道還無益
未得歸時且當歸

路中間程知欲達青雲驛

行愁驛路問來人
西去經過願一聞
落日回鞭相指點
前程從此是青雲

題君山

風波不動影沈沈
翠色金微碧色深
應是水仙梳洗處

一螺青黛鏡中心

病鶴

憶得當時病未遭
身為仙馭雪為毛
今來沙上飛無力
羞見檣烏立處高

聞杜鵑

蜀客春城聞蜀鳥
思歸聲引未歸心
卻知夜夜愁相似
爾正啼時我正吟

西歸出斜谷

行過險棧出褒斜出盡平川似到家萬里客愁今日散
馬前初見米囊花

宿嘉陵館樓

舊里已悲無產業故山猶戀有煙霞自從為客歸時少
旅館僧房卻是家

貧居春怨

貧居盡日冷風煙獨向簷牀看雨眠寂寞春風花落盡
滿庭榆莢似秋天

憶江南舊居

閒思往事在湖亭
亭上秋燈照月明
宿客盡眠眠不得
半窓殘月帶潮聲

夷陵城

世家曾覽楚英雄
國破城荒萬事空
惟有郵亭階下柳
春來猶似細腰宮

訪友人幽居二首

落花門外春將盡
飛絮庭前日欲高
深院客來人未起

黃鸝枝上啄櫻桃

莎深苔滑地無塵
竹冷花遲剩駐春
盡日弄琴誰共聽
與君兼鶴是三人

宿大徹禪師故院

竹房誰繼生前事
松月空懸過去心
秋磬數聲天欲曉
影堂斜掩一燈深

送蜀客

劍南風景臘前春
山鳥江風得雨新
莫怪送君行校遠

自緣身是憶歸人

卷七十九

和孫明府懷舊山

五柳先生本在山
偶然為客落人間
秋來見月多歸思
自起開籠放白鷗

城西訪友人別墅

澧水橋邊小路斜
日高猶未到君家
村園門巷多相似
處處春風枳殼花

送春

勿言春盡春還至少壯看花復幾回今日已從愁裏去
明年更莫共愁來

武侯廟古柏

密葉四時同一色高枝千歲對孤峰此中疑有精靈在
為見盤根似卧龍

哀蜀人為南蠻俘虜二首

大渡河邊蠻亦愁漢人將渡盡回頭此中剩寄思鄉淚
南去應無水北流

雲南路出陷河西毒草長青瘴色低漸近蠻城誰敢哭
一時收淚羨猿啼

宿石門山居

窓燈欲滅夜愁生螢火飛來促織鳴宿客幾回眠又起
一溪秋水枕邊聲

過舊宅看花

山桃野杏兩三栽樹樹繁花去復開今日主人相引看
誰知曾是客移來

寄襄陽章孝標

清油幕下白雲邊
日日空山夜夜泉
聞說小齋多野意
枳花陰裏麝香眠

洛中感事

洛城今古足繁華
最恨喬家似石家
行到窈娘身沒處
水邊愁見亞枝花

美人春風怨

澹蕩春風滿眼來
落花飛蝶共徘徊
偏能飄散同心葉

無那愁眉吹不開

過南隣花園

莫怪頻過有酒家多情長是惜年華
春風堪賞還堪恨
纔見開花又落花

月下喜呂郎中除兵部

北闕雲間見碧天
南宮月似舊時圓
喜看列宿今宵在
休歎參差十四年

天津橋望春

津橋春水浸紅霞
煙柳風絲拂岫斜
翠輦不來金殿閉
宮鶯銜出上陽花

自蔚州南入真谷有似劔門因有歸思

我家蜀地身離久
忽見胡山似劔門
馬上欲垂千里淚
耳邊惟欠一聲猿

題等界寺

吳蜀千年等界村
英雄無主豈長存
思量往事今何在
萬里山中一寺門

洛源驛戲題

柳陰春嶺鳥新啼
暖色濃煙深處迷
如恨往來人不見
水聲幽咽出花溪

送客

與君同在少年場
知己蕭條壯士傷
可惜報恩無處所
却提孤劍過咸陽

初醒

心中得勝暫拋愁
醉卧涼風拂篔簹
秋半夜覺來新酒醒

一條斜月到牀頭

送客歸襄陽舊居

襄陽耆舊別來稀
此去何人共掩扉
惟有白銅鞮上月
水樓閒處待君歸

夜聞方響

方響聞時夜已深
聲聲敲著客愁心
不知正在誰家樂
月下猶疑是遠砧

路逢有似亡友者
惻然賦此

吾友今生不可逢
風流空想舊儀容
朝來馬上頻回首
惆悵他人似蔡邕

石倉歷代詩選卷七十九